

ხელშეკრულება №04
სახელმწიფო შესყიდვების შესახებ

წინამდებარე ხელშეკრულება დაიდო 2019 წლის 8 იანვარს (შემდგომში „ხელშეკრულების ძალაში შესვლის თარიღი“)

ერთის მხრივ, შპს „აღმოსავლეთ საქართველოს ფსიქიკური ჯანმრთელობის ცენტრი, წარმოდგენილის დირექტორის სპარტაკ ბუკიას სახით (შემდგომში: „შემსყიდველად“)

მისამართი: ქ. თბილისი, ნუცუბიძეს 14ბ

საიდენტიფიკაციო კოდი: 243123455

საბანკო რეკვიზიტები: საქართველოს ბანკი

და მეორეს მხრივ შპს „ნეოგაზი“, დირექტორის **ზურაბ გოზალიშვილის** სახით (შემდგომში „მიმწოდებელი“)

მისამართი: ქ. თბილისი, გაზაფხულის ქ. №18

საიდენტიფიკაციო კოდი: 405037213

საბანკო რეკვიზიტები: სს „თი ბი სი ბანკი“, ბანკის კოდი: BAGAGE22, ა/ა: GE02BG0000000267299600

შემსყიდველის მიერ) 5 000 მ³ შეკუმშული ბუნებრივი აირის (CPV: 09123000 – **ბუნებრივი აირი**) სახელმწიფო შესყიდვის მიზნით **გამოცხადებული** ელექტრონული ტენდერის (ტენდერი **NAT180020390**) საფუძველზე ვდებთ წინამდებარე ხელშეკრულებას შემდეგზე.

1. გამოყენებული ტერმინების განმარტებები

1.1. სახელმწიფო შესყიდვების შესახებ ხელშეკრულება (შემდგომ: „ხელშეკრულება“) – „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები

1.2. შემსყიდველი ორგანიზაცია (შემდგომ: „შემსყიდველი“) – ორგანიზაცია (დაწესებულება), რომელიც ახორციელებს შესყიდვას;

1.3. მიმწოდებელი – იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;

1.4. შესყიდვის ობიექტი/საქონელი/საწვავი – წინამდებარე ხელშეკრულების ფარგლებში ნიშნავს შეკუმშულ ბუნებრივ აირს (CPV: 09123000 – **ბუნებრივი აირი**), რომლის შესყიდვასაც ახორციელებს შემსყიდველი წინამდებარე ხელშეკრულების პირობების შესაბამისად;

1.5. ხელშეკრულების ღირებულება – ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ შესყიდვის ობიექტის სრულად მიწოდების სანაცვლოდ;

1.6. „დღე“, „კვირა“, „თვე“ – ნიშნავს კალენდარულ დღეს, კვირას თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების საგანი

2.1. ხელშეკრულების საგანი არის შესყიდვის ობიექტი – ჯამში 5 000 მ³ ბუნებრივი აირი. შესყიდვის ობიექტის შესახებ დეტალური ინფორმაცია (საქონლის მახასიათებელი, მოცულობა, ერთეულის ფასი) დანართი №1-ის სახით თან ერთვის წინამდებარე ხელშეკრულებას და მის განუყოფელ ნაწილს წარმოადგენს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს **7 300,00** (შვიდი ათას სამასი) ლარს საქართველოს კანონმდებლობით გათვალისწინებული გადასახადების ჩათვლით.

3.2. საწვავის მიწოდება განხორციელდება ეტაპობრივად 2019 წლის 01 იანვრიდან 2019 წლის 31 დეკემბრის ჩათვლით.

4. შესყიდვის ობიექტის მიწოდების ვადა, ადგილი და პირობები

4.1. შესყიდვის ობიექტის შემსყიდველისთვის მიწოდება განხორციელდება საბარათე სისტემის გამოყენებით შემსყიდველის მიერ ავტოსატრანსპორტო საშუალებებზე განსაზღვრული ლიმიტების შესაბამისად. კერძოდ, საწვავის მიწოდება შემსყიდველისთვის ხორციელდება „პლასტიკური ბარათების“ მეშვეობით, მიმწოდებლის მფლობელობაში არსებულ ნებისმიერ ავტოგაზგასამართ სადგურზე, მათ შორის ქ. თბილისის მასშტაბით მიმწოდებლის მფლობელობაში არსებულ ავტოგაზგასამართ სადგურზე მათი განაღდება გზით. ავტოგაზგასამართი სადგურების ჩამონათვალი დანართი №2-ის სახით თან ერთვის წინამდებარე ხელშეკრულებას. პლასტიკური ბარათების გადაცემა და მათი შემსყიდველის მიერ გამოყენება განხორციელდება 2019 წლის 31 დეკემბრის ჩათვლით.

4.2 პლასტიკური ბარათების მეშვეობით საწვავის მიწოდება განხორციელდება შემდეგი წესით:

(ა) წინამდებარე ხელშეკრულების ხელმოწერის შემდგომ, შემსყიდველის მოთხოვნის შესაბამისად მიმწოდებელი თავის

ვებ-გვერდზე გაუხსნის შემსყიდველს ანგარიშს (შემდგომში „სპეციალური ანგარიში“).

(ბ) შემსყიდველის მოთხოვნის შესაბამისად მიმწოდებელი უზრუნველყოფს შემსყიდველის მიერ შესაძენი შესაბამისი მოცულობის საწვავის სპეციალურ ანგარიშზე ხელმისაწვდომობას. მისაწოდებელი მოცულობის საწვავის შესახებ მოთხოვნას შემსყიდველი გადასცემს მიმწოდებლის მიერ გამოყოფილ საკონტაქტო პირს (თამარ კუპრაძე, ელ. ფოსტა: t.kupradze@neogas.ge.ge).

(გ) საწვავის მოთხოვნილი მოცულობის სპეციალურ ანგარიშზე შემსყიდველის ხელმისაწვდომობის უზრუნველყოფის შემდგომ, მიმწოდებელი გადასცემს შემსყიდველს პლასტიკურ ბარათებს წინამდებარე ხელშეკრულების ხელმოწერიდან არაუგვიანეს 3 (სამი) სამუშაო დღეში მხარეთა შეთანხმებისამებრ შემდეგ მისამართზე: ქ. თბილისი, გაზაფხულის ქ. №18. მიმწოდებელი უზრუნველყოფს არაუმეტეს 3 (სამი) ცალი პლასტიკური ბარათის უსასყიდლოდ გაცემას შემსყიდველის მოთხოვნის შესაბამისად. პლასტიკური ბარათების გადაცემის შემდგომ მხარეთა შორის ფორმდება „პლასტიკური ბარათების შემსყიდველისთვის გადაცემის მიღება-ჩაბარების აქტი“, რომელიც ადასტურებს შემსყიდველისთვის პლასტიკური ბარათების გადაცემის ფაქტს.

4.3. სპეციალურ ანგარიშზე საწვავის ჩარიცხვისთანავე შემსყიდველს მიეცემა საშუალება ანგარიშზე არსებული დარიცხული მოცულობის/ნაშთის საწვავი შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.

4.4. სპეციალურ ანგარიშზე ჩარიცხვის შემდეგ საწვავი არ ექვემდებარება დაბრუნებას, ხოლო პლასტიკური ბარათის/ბარათების დაკარგვასთან, დაზიანებასთან, ან განადგურებასთან დაკავშირებული ყოველგვარი რისკი გადადის შემსყიდველზე.

4.5. პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით გადასცემს შემსყიდველს/უფლებამოსილ წარმომადგენელს და ამავდროულად უტარებს შესაბამის ინსტრუქტაჟს პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკური ბარათების გამოყენებამდე შეცვალოს მიმწოდებლის მიერ გადაცემული პაროლი, წინააღმდეგ შემთხვევაში ანგარიშზე უნაბართვო/არასანქცირებული წვდომის შედეგად წარმოქმნილ ზიანზე პასუხისმგებლობა ენიჭება შემსყიდველს.

4.6. პლასტიკური ბარათის შემსყიდველისთვის გადაცემა ადასტურებს შემსყიდველის/მისი წარმომადგენლის უფლებას ავტოგასამართ სადგურზე მიიღოს პლასტიკურ ბარათზე ჩატვირთული შესაბამისი საწვავი. პლასტიკური ბარათის დაკარგვის ან/და დაზიანების შემთხვევაში შემსყიდველი ვალდებულია ვებ-გვერდის მეშვეობით თავად მოახდინოს პლასტიკური ბარათის ბლოკირება, პლასტიკური ბარათის დაკარგვის ან/და დაზიანების შემთხვევაში პლასტიკური ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.

4.7. პლასტიკური ბარათის პროგრამულად დაზიანების შემთხვევაში მიმწოდებელი უსასყიდლოდ დაუმზადებს შემსყიდველს ახალ პლასტიკურ ბარათს.

5. შესასყიდი ობიექტის მიღება-ჩაბარების წესი

5.1. საწვავი ყოველი კონკრეტული მოცულობით მიწოდებულად ჩაითვლება შემსყიდველისთვის გადაცემული პლასტიკური ბარათების ავტო გაზგასამართ სადგურ(ებ)ზე გამოყენებით („საწვავის მიწოდება“). შესასყიდი ობიექტის მიწოდების შემდგომ ყოველი თვის ბოლოს 6.1 პუნქტით გათვალისწინებული ანგარიშფაქტურის საფუძველზე მხარეთა შორის ფორმდება „შესასყიდი ობიექტის შემსყიდველისთვის მიწოდების მიღება-ჩაბარების აქტი“, მიწოდებული საწვავის რაოდენობის მითითებით, რაც ადასტურებს მიმწოდებლის მიერ ნაკისრი ვალდებულებების შესრულებას. წინამდებარე მიღება-ჩაბარების აქტზე ხელმოწერას შემსყიდველის მხრიდან განახორციელებს ცენტრის სურამის კლინიკის ადმინისტრაციის ხელმძღვანელი მირიან მაღლაკელიძე.

5.2. „შესასყიდი ობიექტის შემსყიდველისთვის მიწოდების მიღება-ჩაბარების აქტის“ გაფორმებასთან ერთად მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორების ფორმები და ვადები

6.1. ყოველი თვის ჭრილში შემსყიდველისათვის ფაქტობრივად მიწოდებული ბუნებრივი აირის რაოდენობის მიხედვით არაუგვიანეს მომდევნო თვის 10 რიცხვისა მიმწოდებელი გამოუწერს შემსყიდველს ანგარიშ-ფაქტურას. ფაქტობრივად შესყიდულ საწვავზე. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს ანგარიშ-ფაქტურის დადასტურება.

6.2. შესყიდვის ობიექტის ღირებულება დაიფარება, „შესყიდვის ობიექტის შემსყიდველისთვის მიწოდების მიღება-ჩაბარების აქტის“ გაფორმებისა და ანგარიშ-ფაქტურის გამოწერიდან არა უგვიანეს 25 (ოცდახუთი) სამუშაო დღისა,

6.3. მხარეები თანხმდებიან, რომ შემსყიდველს არც ერთი საფუძველით არ შეუძლია სადავო გახადოს მისი მხრიდან 6.1 პუნქტში მითითებული შესაბამისი ანგარიშ-ფაქტურის ელექტრონულად დადასტურების ფაქტი;

6.4. ანგარიშსწორება ხორციელდება უნაღდო ანგარიშსწორების წესით ეროვნულ ვალუტაში, თანხის მიმწოდებლის საბანკო ანგარიშზე ჩარიცხვის გზით. საბოლოო ანგარიშსწორება უნდა განხორციელდეს არაუგვიანეს 2020 წლის 30 იანვრისა.

7. მხარეთა უფლება-მოვალეობანი

7.1. შემსყიდველი ვალდებულია:

7.1.1. აცნობოს მიმწოდებელს ყველა იმ გარემოების შესახებ, რომელმაც შესაძლოა შეაფერხოს ხელშეკრულებით გათვალისწინებული ვალდებულების შესრულება;

7.1.2. ხელშეკრულებით გათვალისწინებული პირობების შესაბამისად, დროულად და შეუფერხებლად აუნაზღაუროს მიმწოდებელს საწვავის ღირებულება;

7.1.3. აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

7.2. შემსყიდველს უფლება აქვს:

7.2.1. მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

7.2.2. მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

7.3. მიმწოდებელი ვალდებულია:

7.3.1. დაიცვას ხელშეკრულებით გათვალისწინებული ყველა პირობა;

7.3.2. აცნობოს შემსყიდველს ყველა იმ გარემოების შესახებ, რომელმაც შესაძლოა შეაფერხოს ხელშეკრულებით გათვალისწინებული ვალდებულების შესრულება;

7.3.3. აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

7.4. მიმწოდებელს უფლება აქვს:

7.4.1. მოსთხოვოს შემსყიდველს მიწოდებული საწვავის ღირებულების დროული ანაზღაურება ხელშეკრულებით გათვალისწინებული პირობებით;

7.4.2. მოსთხოვოს შემსყიდველს იმ ზიანის ანაზღაურება, რაც გამოწვეულია შემსყიდველის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

7.4.3. მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

8. პირგასამტეხლოს ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, მხარე იტოვებს უფლებას შეწყვიტოს ხელშეკრულება და მოსთხოვს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა

9.1. ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია, ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

9.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.4. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.5. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10. უფლებების გადაცემა და სუბკონტრაქტორები

10.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გასცეს მოცემული ხელშეკრულებით არსებული თავისი ვალდებულებები მესამე პირს.

10.2. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

10.3. ამ ხელშეკრულების ფარგლებში სუბ-კონტრაქტორთან დადებული ყველა ხელშეკრულების ასლი უნდა წარედგინოს შემსყიდველს.

10.4. ამ ხელშეკრულების ფარგლებში დადებული არც ერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებისგან.

10.5. მიუხედავად წინამდებარე პუნქტით გათვალისწინებული დებულებებისა, შემსყიდველი წინამდებარე ხელშეკრულებაზე ხელმოწერით ადასტურებს, რომ მისთვის ცნობილია, რომ მიმწოდებლის მიერ საწვავის მიწოდება განხორციელდება მისი და მისი აფილირებული კომპანიების საკუთრებაში არსებულ ავტოგაზგასამართ სადგურზე.

11. ხელშეკრულების შესრულების კონტროლი

11.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის უფლებამოსილი წარმომადგენელი.

11.2. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და საკუთარი სახსრებით განახორციელოს მომსახურების ხარისხის პერიოდული ინსპექტირება;

11.3. ინსპექტირება გულისხმობს მიმწოდებლის ხელშეკრულების პირობების შესრულების კონტროლს ნებისმიერ ეტაპზე. კონტროლის შედეგად გამოვლენილი ხარვეზების აღმოფხვრა ხდება მიმწოდებლის მიერ ინსპექტირების შედეგებზე თანხმობის შემთხვევაში.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ხელშეკრულების პირობების შეუსრულებლობა ან დარღვევა ათავისუფლებს მხარეს ყოველგვარი პასუხისმგებლობისგან თუ შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისთვის „ფორს-მაჟორი“ ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდებრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

13. ხელშეკრულების შეწყვეტა

13.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების დამდები მხარე რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება.

13.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.4. ხელშეკრულების შეწყვეტა პირობების დარღვევის გამო არ ათავისუფლებს მხარეს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. გარდა წინამდებარე მუხლით გათვალისწინებული საფუძვლებისა, მხარეს უფლება აქვს მიიღოს გადაწყვეტილება ხელშეკრულების შეწყვეტის შესახებ:

(ა) თუ მისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულების პირობების შესრულებას, ხელშეკრულების შეწყვეტამდე 10 (ათი) სამუშაო დღით ადრე მეორე მხარისთვის გაგზავნილი წერილობითი შეტყობინების საფუძველზე.

(ბ) საქართველოს კანონმდებლობით გათვალისწინებულ სხვა შემთხვევაში.

13.6. ამ მუხლის 13.5 პუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად მისთვის მიწოდებული საწვავის ღირებულება.

14. დავების გადაწყვეტის წესი

14.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

14.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15. სხვა პირობები

15.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2020 წლის 31 იანვრის ჩათვლით. ამასთან, ხელშეკრულების ვადის გასვლა არ ათავისუფლებს მხარეებს ხელშეკრულებით წარმოშობილი ვალდებულებების შესრულებისგან.

15.2. ხელშეკრულება შედგენილია ქართულ ენაზე ორ თანაბარი იურიდიული ძალის მქონე ეგზემპლარად, რომელთაგან ორი გადაეცემა შემსყიდველს, ხოლო ერთი – მიმწოდებელს.

შემსყიდველი:

შპს „აღმოსავლეთ საქართველოს ფსიქიკური
ჯანმრთელობის ცენტრი“



მიმწოდებელი:

შპს „ნეოგაზი“



ფასების ცხრილი

№	შესყიდვის ობიექტის აღწერა	წარმოშობის ქვეყანა	მწარმოებელი კომპანია	რაოდენობა	ერთეულის ფასი (ლარი)	საერთო ღირებულება (ლარი)
1	2	3	4	5	6	7
1	დაწნეხილი ზუნებრივი აირი საავტომობილო გაზი, მინიმუმ 7 600 კ.კალ/მ³	აზერბაიჯანი	სოკარი	5 000 მ3	1,46	7 300.00

შემსყიდველი:

შპს „აღმოსდავლეთ საქართველოს ფსიქიკური
ჯანმრთელობის ცენტრი



სპარტაკ ზეგია
დირექტორი

მიმწოდებელი:

შპს „ნეოგაზი“



ზურაბ გოზალიშვილი
დირექტორი

ინფორმაცია გაზგასამართი სადგურების შესახებ

№	მისამართი	შენიშვნა
1	ქ. თბილისი, უნივერსიტეტის ქ. №6	
2	ქ. თბილისი, მდ. მტკვრის მარჯვენა სანაპიროზე ბაქტერიოფაგისკენ ჩასასვლელი გზის მიმდებარედ	
3	ქ. თბილისი, ქავთარაძის ქ. №19	
4	ქ. თბილისი, საქართველოს სამხედრო გზასა და გლდანში გადასხვევი გზის გადაკვეთასთან	
5	ქ. თბილისი, ჯავახეთის ქ. ვარკეთილის-3-ის საცხოვრებელი რაიონის III მ/რ-ის მოპირდაპირედ	
6	ქ. თბილისი, გულუას ქ. №22	
7	ქ. თბილისი, კახეთის გზატკეცილზე მშენებარე თხევადი გაზით გასამართი სადგურის მიმდებარედ	
8	ქ. თბილისი, სარაჯიშვილის N39	
9	გურჯაანის რაიონი, სოფელი მუკუზანი	
10	ქ. თელავი, თბილისის გზატკეცილი მე-2 კმ.	
11	გარდაბნის რაიონი, სოფელი მარტყოფი	
12	ქ. მარნეული, 26 მაისის ქ.	
13	მცხეთის რაიონი, სოფელი წეროვანი	
14	ქ. გორი, სტალინის გამზირის დასაწყისი	
15	ქ. ხაშური, გორგასალის ქ. №30	
16	ქ. ზესტაფონი, ზესტაფონის რაიონი, სოფელი არგვეთა	
17	ქ. ქუთაისი, გუგუნავას ქ. №1	
18	ქ. სამტრედია, სანაგარდოს ქუჩა (სოფელ დაფნართან)	
19	ქობულეთის რაიონი, სოფელი გვარა	
20	ქ. ახალციხე, ახალქალაქის გზატკეცილი, მე-2 კმ.	

შემსყიდველი:

შპს „აღმოსავლეთ საქართველოს ფსიქიკური
ჯანმრთელობის ცენტრი“



მიმწოდებელი:

შპს „ნეოგაზი“

